

三經同卷

寔五

佛說妙吉祥菩薩所問大乘法螺經

佛說四品法門經

佛說八大菩薩經

佛說妙吉祥菩薩所問大乘法螺經

夏譯經三藏明教大光祿明教大師目法賢奉譯

如是我聞一時佛在舍衛國普徧殿內坐寶師子之座與大苾芻眾萬二千五百人俱復有菩薩摩訶薩及百千緣熟所度之眾

爾時妙吉祥菩薩摩訶薩承佛威神即從座起偏袒右肩右膝著地合掌頂禮而白佛言世尊有大福德云何校量如是大福有無量

俱服那由他百千之數緣熟所度之眾意願欲滿云何如來為彼法螺

爾時世尊聞是語已告妙吉祥菩薩言妙吉祥不可思議行大智慧大慈大悲是大福德如是大福令一切聲聞緣覺發大方便精進持戒願行成就得最上三摩地觀想一切緣

熟所度之眾即是如來法螺

佛告妙吉祥菩薩所有南閻浮提一切眾生持十善法所獲福德如是校量於彼福德積成百倍是即一金輪王福德而彼輪王統四大洲七寶具足所謂輪寶象寶馬寶摩尼寶玉女寶主藏寶兵寶復有千子勇猛威德色

相端嚴能破他軍妙吉祥彼金輪王有如是大力

復次妙吉祥菩薩四大洲界所有一切眾生如是一一眾生各等一金輪王福德於彼眾生所有福德如是校量乃至千倍是即一帝釋天主福德如是帝釋有大威神福德之力

復次妙吉祥菩薩四大洲界所有一切眾生如是一一眾生各等一帝釋福德於彼眾生所有福德如是校量百千倍數是即一大力那羅延天福德如是那羅延天有大威神福德力故復次妙吉祥菩薩四大洲界所有一切眾生如是一一眾生各等一大力那羅

延天福德於彼衆生所有福德如是校量無數百千倍是即一欲界他化自在天魔王福德如是魔王宿種善根生彼欲天有大威力而能調伏諸天人故 復次妙吉祥菩薩四大洲界所有一切衆生如是一一衆生各等一魔王福德於彼衆生所有福德如是校量

復五

二

無量百千倍是即一二千世界梵天福德而彼梵天於二千世界行慈悲化故 復次妙吉祥菩薩於二千世界所有衆生如是一一衆生各等一二千世界梵天福德於彼所有福德如是校量無數百千倍是即一三千大千世界主大自在天及梵天福德彼

大自在天及梵王於三千大千世界行慈悲化故 佛告妙吉祥菩薩汝應見此劫壞之時大火所燒經一切中尔時大自在天及梵天王降澍大雨其水徧滿三千大千世界上至梵天而此大水即是大自在天及梵王威力所作如是大自在天及彼梵王種大善根

得生彼天具智慧有大威力

復次妙吉祥菩薩所有三千大千世界一切衆生如是一一衆生各等一三千大千世界大自在天及梵王福德於彼衆生所有福德如是校量無數百千俱胝倍是即一大精進緣覺福德妙吉祥勿謂三千大千世界一切

衆生皆如大梵王福德等彼緣覺而以為多假使十方佛刹一切衆生所有福德等一精進緣覺猶未為多復次妙吉祥菩薩於彼十方佛刹一切衆生所有福德如是一一衆生各等緣覺福德於彼衆生所有福德如是校量無數百千俱胝那由他倍是即一初發心

復五

三

菩薩福德妙吉祥勿謂無數百千俱胝那由他倍一切衆生福德等一初發心菩薩福德而以為多假使十方盡虛空界所有卵生胎生濕生化生有色無色有想無想非有想非無想如是一切衆生所有福德無數百千俱胝那由他倍等一初發心菩薩亦未為多

復次妙吉祥菩薩如是盡虛空界一切衆生各等初發心菩薩福德如是校量無數百千俱脰那由他倍是即如來一毛孔量福德諸佛如來身中毛孔各復有九十九千細妙毛孔妙吉祥如是佛身一切毛孔所有福德而以校量無數

百千俱脰那由他倍是即如來身分之中一種好福德如是佛身八十種好各具足如前復次妙吉祥菩薩如來八十種好所有福德而以校量無數百千俱脰那由他倍是即如來手足之下相文福德之量如是各各相文皆有八十種好顯現手足之下頌曰

傘蓋幢吉祥	鬘鈎冠寶杖	寶瓶象馬虎
金翅摩竭魚	龜魚及孔雀	迦陵頻伽鳥
命命佐沙鳥	撥俱囉鴛鴦	鴛鴦鴉鳩麥
大藥提努牛	股羊龍牛王	寶山吉祥果
播那波鹿王	摩尼寶利劍	金剛杵弓旗
三叉犁鉞斧	擣杵箭胷索	虞拏與弥伽

梵天帝釋主	持國天水天	廣目多聞天
大仙吉祥日	火天月風天	蓮花萬字相
莎悉帝迦好	訥哩嚩賢座	鏡拂憍尸迦
童子童女天	鼓螺密哩誡	手釧及鈴鐸
耳環與指環	軍拏羅羅多	妙花王樹王
衆中釋師子	如是等八十	一一俱名好

出現手足下

佛告妙吉祥菩薩所有如是八十種好一切福德如是校量無數百千俱脰那由他倍是即如來身分之中一大丈夫相福德如是佛身三十二大丈夫相一一各有如前福德於佛身中分明出現頌曰

宣五

烏瑟膩沙相	螺髻髮紺青	滋潤而右旋
額廣而平正	眉間白毫光	皮膚妙柔軟
目廣青蓮葉	齒密而齊整	四十悉具足
四牙俱鋒利	白類如珂雪	腮臉并膏臆
上半如師子	舌相而廣長	身形妙圓滿
如左拘陀樹	身毛順右旋	臍輪淨深隱

雙股俱平正 兩脰如鹿王 二足下平滿
 手足俱柔軟 十指而纖長 俱有網鞞相
 行步而直進 舌常得上味 善相屬著身
 七處皆平滿 足下而平正 常現千輻輪
 如是大丈夫 三十二種相
 佛告妙吉祥菩薩如是三十二大丈夫相於此

二十二相所有福德而以校量阿僧祇不可思議不可稱量無等等不可說不可說倍數為緣熟度眾所願圓滿福德是故如來說因緣成熟所度之眾而為法螺

佛告妙吉祥菩薩所有如來妙法螺音無量無邊阿僧祇世界一切眾生悉得普聞妙吉

祥菩薩非唯螺音如是如來身光亦能照曜無量無邊阿僧祇世界令諸有情得見佛身如是不可思議

佛告妙吉祥菩薩大智慧大慈悲是大福德一切聲聞緣覺善解願力行大方便清淨持戒得最上三摩地

定五

五

復次妙吉祥菩薩佛身無為離諸相故一切聲聞緣覺及諸菩薩不能見故如來所化色身有二種義故一者酬於因中度生願故二者所度有情今緣熟故是以如來化現色身所現之身清淨微妙令諸眾生親近供養得大利益

復次妙吉祥菩薩佛身最上故相好最上好最上故光明最上光明最上故梵音最上梵音最上故說法最上說法最上故佛行最上佛行最上故如來所現色身令彼有情得大利益

復次妙吉祥菩薩如來身中具攝一切諸相

隨諸眾生根欲性等利鈍不同所現色身各各有異今諸眾生各得親近樂聞妙法皆得度脫乃至行住之時常得見佛

佛告妙吉祥菩薩如來具足應供正等正覺出現世間慈愍有情利益安樂無量人天諸眾生故

尔時妙吉祥菩薩摩訶薩從座而起偏袒右
肩右膝著地合掌向佛頂礼世尊而白佛言
我今使得善利如是世尊三界無著最尊最
勝利益一切衆生佛觀一切世法不動如須
弥無著於虚空不可思不可議非見非不見
尔時世尊說此經已妙吉祥菩薩摩訶薩及
諸苾芻并諸菩薩摩訶薩一切天人阿蘇羅
嘜達哩嚩等聞佛所說皆大歡喜信受奉行
佛說妙吉祥菩薩所問大乘法螺經

佛說四品法門經

要譯經三藏朝奉大試光祿卿明教師日法賢奉詔譯

如是我聞一時佛在舍衛國祇樹給孤獨園
與大衆俱尔時尊者阿難獨止靜室心生是
念世間有情所有驚怖乃至災害障難疾病
過咎已生當生者皆是愚人所有智者即無
尊者阿難思惟如是事已從座而起往詣佛
所到佛所已頭面礼足修奉已畢住立一面

裏五

六

而白佛言世尊我獨靜室心生是念世間所
有驚怖等事皆是愚人所有智者即無惟願
世尊爲我解說

佛告阿難汝今諦聽當爲汝說阿難白言唯
然世尊願樂欲聞佛言阿難如是世間所有
驚怖等事已生當生所謂災害障難疾病過

咎等皆是愚人所有智者即無阿難譬如有
人堆積乾草爲火所然而彼愚人驚怖等事
亦復如是阿難如是過去未來現在世中愚
人有災害智者無災害愚人有障難智者無
障難愚人有疾病智者無疾病愚人有過咎
智者無過咎阿難當知是愚人法是智者法

知彼愚人法已當可遠離行智者法如是阿
難汝應當學阿難白佛言世尊何名愚人佛
告阿難愚人者愚爲不了世間愚人於法不
了故名爲愚不了者何不了法境有四品類
所謂不了界法不了處法不了緣起法不了
處非處法阿難於如是法不能了達是故得